

San Pablo Timoteo'te charo chũ'o tocha saosi'ea'me

Chũ'o saosi'ea'me

¹⁻² Dios maire vati toa uuche Æsekaikũji chũ'ũna chũ'u, Pablo, Maire Paakũ Jesucristo saosi'kũpi mũ'ũre Timoteo'te ija'ova utija'ova tocha saomũ. Chũ'ũpi chũ'vakũna Dios chũ'o asa chẽa Jesure cuasakũ jovosi'kũjekũ chũ'u chĩija'iu pa'ikũ'mũ mũ'ũ. Mai Ja'kũ Diona'me Maire Paakũ Jesucristo mai pojojũ cha'ache Īsijaũpi oĩa rũa re'oja'che pa'iche'te cho'okaamũ mũ'ũre, re'oja'che paamũ chini.

Jorechũ'o che'choũseche'te kũamũ

³ Chũ'u icheja Macedonia cheja raipi'raramũ mũ'ũre cho'oa'kũ chini chũ'u jo'kasi'ere ũcua cho'okũ paamũ chini jo'e chũ'ũmũ chũ'u mũ'ũre, ũcuachejare Efeso vũ'ejoopo'te saima'ñe pa'iu jorechũ'o che'chona che'choche'te ũsekũ paamũ chini. ⁴ Jã'aja'ñe cho'okũ repanare cuhama'ñe ũcua i'kakũ pa'ijũ'ũ, repanapi aichũ'ona'me aipã pa'isi'e cuhama'ñe si'arũmũ cutujũ pa'iche'te jo'kasoajũ. Jã'aja'ñe cutujũ sãĩnechi'a ke'reme. Dios cho'okaiche jã'aja'ñe cutucheji asa chẽa cuasajũ jovoma'me Jesure.

⁵ Repanapi pãire chekũnani ña oijũ re'oja'che cho'okaijũ paapũ chini jã'aja'ñe chũ'ũmũ chũ'u. Pãĩ repana rekoñoã cu'achejẽ'e cuasama'ñe cu'ache cho'omanajejũ sũma'ñe pa'imana Dioni masi cuasajũ chekũnare pãĩ oimasime. ⁶ Mũ'u

pa'icheja pa'ina te'ena jā'aja'ñe re'oja'che pa'iche'te cavesuso peoche cutuchu'ore asaju pa'ime. ⁷ Dios chũ'u jo'kasi'e che'choñu chiinata'ni repa chũ'usi'e kuachu'o asavesume repa. Rua masiche cuasoche cutunata'ni vesume repa.

⁸ Iere masime mai: Dios chũ'usi'e re'oja'im. Jā'ata'ni Repa cho'ora chini chũ'u jo'kasi'e masiche pa'im. ⁹ Re'oja'che pa'inani chũ'uku jo'kasi'emasom jā'a. Ija'che cho'onapi repa cu'ache cho'oche'te cuasa masi jo'e cho'omaneajũ chini jo'kasi'easom: Repa chũ'usi'e jachanana'me chũ'unare cuhenare, Diore cuhenana'me cu'ache cho'onare, Diore vajuchumar Repa'te pojomajñarũ cho'ocuhenare, puka'kupai vanisonana'me chekunare vanisonare, ¹⁰ rãjoromi peonare romineenana'me ñjupai peonare umneena, umupai ũcuajanare umneenana'me romi ũcuajanare romineenare, pai ũcuajanare chãa kuripi ĩsisonare, jorechu'o cutunana'me pai chãañe chũ'unare roijũ jorenana'me cheke si'ache cu'ache cho'ojũ Dios chũ'ũñe'te jachajũ re'oja'che cho'ocuhejũ pa'inare. ¹¹ Jesucristo'te cuasache kuachu'o ũcuarepare jachame repa. Repachu'o Dios Re'okũ chu'ure jo'kasi'ea'me chu'upi ku'iu chu'vakũ paũ chini.

Repa'te oiũ Dios cho'okaisi'ere kũamũ Pablo

¹² Chu'upi koka paakũ Repaũ chu'ore chu'vaa'kũ chini Maire Paakũ Jesucristo chu'ure chãa sao cho'okaim. "Chu'u chũ'ũñe masi cho'oja'mũ ikũ", chiiũ Repaũni cho'oche'te

cho'okaau chini chu'ure chēasi'kua'mu Repau. Jā'ajekuna, "Re'orepamu", chiu pa'iku'mu chu'u Repau'te. ¹³ Aperamu chu'u Repau'te Maire Paaku'te rua cu'ache cutusi'kua'mu. Chu'uni teakuna Repau neenare rua cu'ache cho'oku pa'isi'kua'mu chu'u, repanani cac'ora chini. Jā'aja'ne cho'okuteta'ni Dios chu'ure oiu chēasi'kua'mu, Repauni cuasamau pa'ivesuku cho'okuna. ¹⁴ Jā'aja'ne cho'o Maire Paaku Jesucristo chu'ure oiu re'oja'che karama'ne isisi'kua'mu, chu'upi Repauni masi cuasaku paire chekunani oiu cho'okaiu paau chini.

¹⁵⁻¹⁶ Ie chu'o ũcuarepajekuna jachama'ne cuasache pa'imu maire ũcuanukore: Jesucristo icheja cheja paire, cu'ache cho'onani ũcuanukore jūni ro'ikasa chini raisi'kua'mu, mai cu'are Repauji jūni ro'ikakuna maipi vati toa saimanea'ju chini. Jā'ajekuna Dios chu'ure te'e chekunare ũcuanukore na'a rua cu'ache cho'osi'kureta'ni oiu Repau Jesucristo jmamakarujē'e pe'ruma'ne cha'aku pa'iche cho'o ñosi'kua'mu chekunare, Repauni cuasaju jovo Ūcuau'na'me ai pa'ijanare. ¹⁷ Jā'ajekuna Diore Peore Paaku'te Si'arumu Pa'ikuta'ni Ñoma'kure, "Peore Masiuji rua re'okum mu'u", chiju Repau'techi'a Ūcuate'e'u'te cuhama'ne si'arumu pojoj pa'nu mai. Jā'aja'ne paau.

¹⁸ Asarepajū'u, chu'u chīija'ia Timoteo. "Ija'che pa'ijū'u", chiu chu'vamu chu'u mu'ure: Dios chu'o kuana kuasi'ere ũcuarepa cho'oku cu'ache ti'jnetojē'e cu'are cava cajejani Jesure cuasache ũhasomanejū'u. ¹⁹ Ūcua masi cuasaku cu'ache cho'oma'ne re'oja'che pa'ijū'u. Chekuna

te'ena re'oja'che cuasaju pa'iche'te jo'kaso cacu'asojū pa'ime. ²⁰ Jā'aja'ñe cho'osinaa'me Himeneona'me Alejandro. Jā'ajekuna repanare vati aini jo'kasi'kua'mu chu'u, repanapi kuku Diore cu'ache i'kama'ñe pa'iche'te che'chea'ju chini.

Diore pojochē chu'vache'me

2

¹ Ie rua chu'vamū chu'u mū'ure: Ūcuanukore pāi Dioni re'oja'chere sēekaiū, "Re'orepamū, Ja'ku", chiū pa'ijū'ū Repau'te. ² Maipi ainani, chū'unani ūcuanukore Dioni sēekaiju pa'ito repana maire re'oja'che chū'ujū pa'ivesache cho'omapuna Repau'te cuasache'te ūsecojñoma'ñe ūcua cuasaju re'oja'che pa'iju chekunare re'oja'che cho'okaiju pa'ijanaa'me mai. ³ Re'oja'chea'me jā'a. Dios maire vati toa sani uuche Ūsekaikū jā'aja'ñe re'oja'che sēekaiche asa pojomū. ⁴ Repau Dios pāi ūcuanukore Repau chu'o ūcuarepare asa chēa Jesuni cuasaju jovo Ūcuauna'me ai paapu chiimū. ⁵ Dios Ūcuate'eū'mū. Ūcuachi'a maire I'kakaikū pāiū Ūcuate'eū'mū; Jesucristoa'mū Repau. Jesucristochi'aa'mū maire Diona'me re'oja'che paapu chini Cho'okaikū. ⁶ Repau Jesucristo cho'okaicuhema'ñe maire pāi ūcuanukore cu'a jūni ro'ikaisi'kua'mū. Jā'aja'ñe cho'o Dios maire ūcuanukore vati toa uuche ūsekasa chiiche cho'o ñosi'kua'mū Repau, Dios chiisirumujekuna. ⁷ Chu'u i'kache ie chu'o ūcuarepaa'me. Jorema'mū chu'u. Dios chu'ure Jesús saosi'kure ūcuare kuaa'ku chini

chũ'u jo'kasi'kua'mu, judío peonani Repau chu'ore ũcuarepa Repau'te cuasache kũachũ'ore che'chokũ ku'ia paaũ chini.

8 Jã'aja'ñejekuna pãi si'achejña pa'inare, cu'ache cho'oma'ñe pa'ijũ, chekũnare ke'rejũ pe'ruma'ñe re'oja'che pa'ijũ Dioni sēejũ pa'ijũ'u, chiimũ chu'u. ⁹⁻¹⁰ Romire ija'che chu'vamũ chu'u: Romi re'oja'che pañũ chiina kãña re'ojakãña ju'icheji re'oja'che ñoñechi'a cuasama'ñe rekoñoã pa'iche'te na'a rũa cuasajũ pa'ijũ'u. Pe'kerũ pa'ijũ musanũkona rekoñoãpi masi cuasajũ re'oja'che cho'oju pa'ijũ'u; romi Diore cuasana pa'iche'me jã'a. Jã'aja'ñe cho'oju pa'ina repaña rekoñoãpi re'oja'che pa'iche cho'o ñome. Pãipi musanũkonani chiapũ chini raña si'ache rũarepa veni care'va, kãña rũa ro'ikãñana'me ko'siũa, pachokuri cho'osimajñarũ ju'ijũ pa'imanejũ'u. Ũcuachi'a umũpãipi uache ñaa'ju chini ju'ijũ pa'imanejũ'u. ¹¹ Pãi Dioni pojoñũ chini chi'irũmũ umũpãi ña kũkũju pa'ijũ cutuma'ñe Dios chu'ore asa chēajũ pa'ijũ'u. ¹² Romipi umũpãire chũ'ujũ che'choju i'kama'ñe pa'ijũ'u, chiimũ chu'u. ¹³ Ija'chea'me: Dios aperũmũ Adanni charo cho'oasomũ, na'a cho'jena Evare. ¹⁴ Repanare cho'osirũmũ Eva Dios chũ'usi'ere jachako re'oja'chere cho'ovesũko vatipi jorekũ chũ'uuna asa chēa charo cu'ache cho'oasomo. Repao ũju Adán vati jorekũ chũ'uñe, "Ũcuarepama'mũ ie", chiiũ masakũta'ni ũcua cho'oasomũ. ¹⁵ Aperũmũ pa'isi'ko jã'aja'ñe cho'osi'eta'ni musanũkona romi Dioni masi cuasajũ, chekũnare oijũ

re'oja'che cho'okaijũ pa'ijũ, cu'ache cho'oma'ñe re'oja'che pa'imasijũ chũire masi paato re'oja'che pa'ija'mũ musanũkonare.

Jesure cuasakuanupũ chũ'ũna pa'iche'te kũatũ

3

¹ Ie chũ'o ũcuarepa'a'me: Pãiu ũcuauakũji Jesure cuasakuanupũ chũ'ũkũ pasa chiito rũa re'omũ. ² Jã'ata'ni repanare chũ'ũkũ re'oja'che pa'imasia'kũ, pãipi repaũni ñajũ i'kamanea'jũ chini. Rũjore ũcuate'eo'te paaa'kũ. Masi cuasakũ cu'are jũvokũ re'oja'che pa'iu pãĩ ña kũkũcojñokũ paaũ. Ũcuachi'a pãĩ so'ña rainare si'arũmũ tijña repaũ vũ'ena cuaa kuirakũ ãu ãukũ kãĩñejatũ'ka jo'kakũ paaũ. Ũcuachi'a Dios chũ'o che'chomasikũ paaũ. ³ Conore jũ'iu cavakũ pa'imanea'kũ. Pe'kerũ pa'iu ke'rema'ñe, kurineekũ pa'imanea'kũ. ⁴ Repaũ vũ'e pa'inare masi paaa'kũ. Ũcuachi'a mamachĩi repaũ'te ña kũkũjũ repaũ chũ'ũñe jachama'ñe cho'onare paaa'kũ. ⁵ Pãiu repaũ vũ'e pa'inare chũ'ũvesũkũ Diore cuasakuanupũ, ¿je'se chũ'ũja'ũ? ⁶ Ũcuachi'a Jesure cuasanare chũ'ũjau Repaũ'te apēcuaakũ jovosi'kũpi pa'imanea'kũ, chekũrũmũ repaũ pa'iche'te rũarepa meñe cuasakũ pojokũ vati ai ti'jñecoñosi'ēja'che ti'jñecoñokũ. ⁷ Ũcuachi'a Jesure cuasamana ña kũkũ re'oja'che cutucojñokũ paaũ, pãipi repaũni ke'rejũna sãĩñe pe'rukũ vatini cacũ'ocojñokũ.

*Repakuanurũã chũ'unare cho'okaina
pa'iche'te kũatũ*

⁸ Repakuanurũã chũ'unare cho'okaina ũcuachi'a pãi chekũna ña, vajũchũsojũona paarũ. Repana i'kache chũ'o jmamakarũjẽ'e jorema'ñe paarũ. Cononeema'ñe paarũ.

Ūcuachi'a jorejũ kuri kooñu chiimana paarũ.

⁹ Dios chũ'o mai cuasache ũcuarepare cuhasoma'ñe cuasajũ paarũ. Cu'ache

cho'omanajejũ oima'ñe paarũ. ¹⁰ Repanare

chũ'unare cho'okaiche jo'kara chini charo repa pa'iche'te rũa jeerũmũ ña'ñe chiimũ.

Repanari re'oja'che pa'ito jã'aja'ñe cho'oche jo'kare'omũ repanare. ¹¹ Repana rũjoromi

ũcuaja'che chekũnare cu'ache cutuma'ñe pe'kerũ pa'ijũ, cononeema'ñe pa'ijũ, repa

cho'oche peore masi cho'ojũ, pãi chekũnare ña kũkũsojũona paarũ. ¹² Jesure cuasana

chũ'unare cho'okaikũ rũjore ũcuate'eo'te paaa'kũ.

Ūcuachi'a repaũ mamachĩi re'oja'che masi chũ'ũkũ repaũ vũ'e pa'inare ũcuankore

masi paaa'kũ. ¹³ Repana chũ'unare cho'okaina repa pa'iche'te chekũnare masi kuirani rũa

ña kũkũsojũojanaa'me. Ūcuachi'a repa Jesure cuasache kũavajũchũma'ñe chekũnare kũajanaa'me.

*Dios kũasi'e mai cuasachũ'o ũcuarepa
pa'iche'te kũatũ*

¹⁴⁻¹⁵ Na'mi sani ñara chiimũ chũ'ũ mũ'ure. Jã'ata'ni chekũrũmũ saicu'akũna chũ'ũpi pesa saima'to mũ'ũpi masia'kũ chini ija'ova utija'ova Dios neena pa'iche che'choche'te

mũ'uni chũ'vakũ tocha saomũ chũ'ũ, mũ'upi repacheja pa'inani che'choa'kũ chini. Repana Diore Si'arũmũ Pa'ikũ'te cuasakuanupũ Repau chũ'o chekũnani kũajũ paapũ chini Ũcuauji cho'okaiũna asa cuasanaa'me. ¹⁶ Diore

ja'me pa'ire'oche'te Repau kũamanesi'ere churana Ũcuauji kũaũna mai asa chẽa cuasachũ'o ũcuarepajekũ rũa re'oja'imũ. Ija'che cuasanaa'me mai:

Icheja chejare pãĩ ca'nivũ paakũ rani paniasomũ Cristo.

Dios Rekochoji cho'okaiũna Repau cu'achejẽ'e cho'oma'ñe pa'iche ñaasome pãĩ.

Angeles ũcuachi'a Repau cho'oche ñajũ paniasome.

Repau pa'iche si'avãjũpãire kũakaisi'ejekũna pãĩ si'achejña pa'ina cuasame Repau'te.

Cheja pani pi'ni Dios pa'ichejana cũnaũmũna jo'e mũnisoasomũ Repau.

Jesure cuasache jo'kasona pa'iche'te kũamũ

4

¹ Jã'ata'ni Dios Rekochoji masi kũaũna ie masime mai: Cristo chuta'a raimarũmũ Repau'te cuasana pãĩ te'ena Repau'te cuasache ũhaso vatipi chũ'ũkũna pãĩ jorena che'chochũ'ore asa chẽa cuasajũ pa'ijanaa'me. ² Sẽ'sevũchi'a

re'oja'cheja'che ñoñe pa'ijũ jorena chũ'ore asa jachama'ñe cho'ojũ pa'ijanaa'me repana. Repana jorena cu'ache cho'ojũ che'chesosinajejũ repnanani cuasomaũna repana cu'ache cho'oche oimanaa'me. ³ Repana jorena romi vejache ãseme. Ũcuachi'a ãũ te'emajñarũã ãiũseme

repana. Repa ãu Dios cho'osi'ea'me, Repa'ute cuasanapi chũ'o ũcuarepare masijũ Repa'ni, "Re'orepamũ, Ja'kũ", chiiijũ ãijũ paapũ chini. ⁴ Æu Dios cho'osimajñaruã peore re'oja'chea'me. Jã'ajekũna ãimajñaruã ũcuauamajñaruãre jñaani cuhema'ñe pojojũ, "Re'orepamũ, Ja'kũ", chiiijũ ãire'omũ maire. ⁵ Jã'ajekũna Dios, "Re'omũ ie", chiisi'ere ãure maipi Ūcuau'ni sēejũna ĩsikũna jñaã ãito re'omũ.

Jesucristo chũ'uñe masi cho'okaina pa'iche'te kũamũ

⁶ Mu'ũ cuasaku pa'iche'te Dios chũ'o ũcuarepare Repa'ute cuasache kũachũ'ore si'arũmũ ñakũ che'chekũ mai majapãijanani jã'are che'chokũ pani Jesucristo'te cho'oche masi cho'okaikũ pa'ija'mũ.

⁷ Jã'ata'ni aichũ'o pãĩ cuasache jorechũ'o Dios chũ'oma'ñe asacuhekũ cho'oma'ñe pa'iu Dios chiichechi'a si'arũmũ na'a rua cho'okũ che'chekũ pa'ijũ'ũ. ⁸ Mai ca'nivũãpi koka peoca'nivũã pa'imaneakũ chini, cho'oche'te rua cho'oto re'omũ. Jã'ata'ni rekocho pa'iche Diore cuasajũ cho'oche'te na'a rua cuasaku pa'ijũ'ũ. Jã'aja'ñe cho'oto icheja cheja pa'irũmũchi'a re'oma'ñe jũnisosirũmũjatũ'ka re'oja'mũ maire. ⁹ Ūcuarepaa'me jã'a. Pãipi ũcuau'ko jã'are cuasato re'omũ. ¹⁰ Jã'aja'ñejekũna pãipi ũcuare cuasaa'ju chini, Diore Si'arũmũ Pa'ikũ'te maire re'oja'che cho'okaijachere cha'ajũ pojojũ Repa'ute cho'oche rua cho'okaijũ pa'inaa'me mai. Repa'ũ pãĩ ũcuau'kore vati toa sani

uuche Æsekaimasiku'mu. Jã'ata'ni Repau'te cuasanarechi'a uuche Æsekaiku'mu.

¹¹ Ie chu'o chu'u mu'ure chu'vache repacheja pa'inare chũ'uku che'choku pa'ijũ'u, peore masi cho'oju paaru. ¹² Repanare Jesure cuasanare re'oja'che i'kaku pa'ijũ'u. Ũcuachi'a mu'u re'oja'che pa'iu Diore masi cuasaku cu'achejẽ'e cho'oma'ne pa'iu chekunare oiũ re'oja'che cho'okaiũ pa'iche cho'o ñojũ'u repanare, ña chẽa ũcuaja'che cho'oju paaru chini. Mu'upi jã'aja'ne cho'oto põsuu'teta'ni mu'ure ña kukuju pa'ijanaa'me repana. ¹³ Chu'u mu'u pa'icheja sairumujatu'ka repanare si'arumu Dios chu'o tocha jo'kasi'e repana ũcuanuko asaju'te ñaku chu'vaku che'choku pa'ijũ'u. ¹⁴ Jesure cuasana aina mu'ure jũjñari jajuna Dios Rekocho mu'ure jo'kasi'e chekunare cho'okaimasiche cuhasoma'ne cho'oku pa'ijũ'u.

¹⁵ Chu'u mu'ure chu'vachu'o cho'o ca'nasoma'ne peore masi cho'oku pa'ijũ'u, pãipi ũcuanuko mu'u si'arumu na'a re'oja'che pa'iche'te ñaju paaru. ¹⁶ Ñarepakũ re'oja'che pa'iu masi che'choku pa'ijũ'u. Mu'upi jã'aja'ne ũhasoma'ne re'oja'che cho'oku pa'ito Diopi rua re'oja'che cho'okaija'mu mu'ure, mu'u che'chonare ũcuachi'a.

Jesure cuasanare kuiraju chũ'u'ne'te kamu

5

¹ Æmupãi mu'ure na'a rua ainarejẽ'e ke'rema'ne muja'kupãijanare pe'keru i'kaku chu'vaku pa'ijũ'u. Põsupãire miche'uchĩjanare

re'oja'che che'chokꞥ pa'ijũ'ũ. ² Romi mu'ure na'a rꞥa ainare mꞥja'koromijanare chũ'vakꞥ pa'ijũ'ũ. Romichĩi mꞥche'oromijanare cu'ache cho'oma'ñe pa'ia re'oja'che che'chokꞥ pa'ijũ'ũ.

³ Va'jeva'nare kuiranare peonare ña oia kuirakꞥ pa'ijũ'ũ. ⁴ Jã'ata'ni va'jeva'ore chĩi paako'te repao chĩipi kuiraa'jꞥ. Chĩi peokoji majanajechĩichi'a paako'te ũcuanapi kuiraa'jꞥ repao'te. Ũcuachi'a Dioni masi cuasajꞥ re'oja'che cho'ochete che'che pꞥka'kupãi repanare oijꞥ re'oja'che kuirasi'eja'che repana majapãire sãĩñe kuirato pojomꞥ Dios. ⁵ Va'jeva'o te'eo pa'io chꞥova'o pa'iva'o Dioni cuasako Repaũ cho'okaijachere pojoko cha'ako umucujñana'me ñami Repaũni si'arumꞥ cuhama'ñe sēeo pa'imo. Jã'aja'ñe pa'iva'nani cho'okañu chiime mai. ⁶ Jã'ata'ni chekuna va'jeva'na repanare uachechi'a ũcuauache cu'ache cho'ojꞥ pa'ina vajunata'ni repana rekoñoã jũnisosinaja'ñe pa'ime. Jã'aja'ñe pa'inare cho'okaicuheme mai. ⁷ Ũcuachi'a repacheja pa'inare majapãi kuirache'te che'chojũ'ũ, re'oja'che pa'ijuna chekunare repana pa'iche'te ñajꞥ cu'ache cutucu'aa'kꞥ. ⁸ Mai majapãi kuirache pa'imꞥ maire. Na'a so'o majapãijẽ'e cuasajꞥ ũcuate'eko'a pa'inare majapãirepa na'a rꞥa cuasajꞥ kuirache pa'imꞥ maire. Jã'aja'ñe cho'omaneni Diore cuasana pa'iche pa'imanajꞥ Repaũ'te cuasamanare na'a rꞥa cu'ache cho'ome mai.

⁹ Jesure cuasakuanupꞥ kuiracojñojanare va'jeva'nare ija'che pa'inarechi'a repana mami

tochajũ'u: Ɖjupãĩ ũcuate'enare pa'isinapi sesentarepaũsurumũ na'a rũa paanarechi'a. ¹⁰ Ũcuachi'a re'oja'che cho'o ñojũ pa'ina paarũ: Mamachĩi re'oja'che jojasina paarũ, repana vũaña rainare pãĩ pojojũ re'oja'che cho'ojũ pa'ina paarũ, Jesure cuasanare re'oja'che cho'okaijũ pa'ina, chũova'na pa'inare re'oja'che cho'okaijũ pa'ina, re'oja'che si'ache peore cho'ona paarũ.

¹¹ Jã'ata'ni va'jenare na'a romichĩi mami tochamanejũ'u. Chekurumũ repanare uache'te cho'ojũ jo'e umũ vejaso repana Jesucristo'te cho'okaiche'te jo'kasojũ. ¹² Jã'aja'ñe cho'oni repana cho'ojanaa'me chiisi'ere jorejũ cho'omaneni cu'ache cho'ome. ¹³ Ũcuachi'a repana va'jena na'a romichĩi si'arumũ ku'ichechi'a pa'ijũ chekũnani pãire cu'ache cutujũ ñamena carũniso Jesure cuasana i'kama'ñere i'kajũ pa'inaa'me. ¹⁴ Jã'ajekũna va'jenare na'a romichĩi jo'e umũ veja chĩi paajũ vũa'e kuirana paarũ, chiimũ chũ'u, maire cuhenapi repanani cu'ache cutumanea'jũ chini. ¹⁵ Chekũna va'jeva'na te'ena Jesure cuasache jo'kaso vati ai chũ'uñe'te cho'ojũ pa'ime.

¹⁶ Romio ũcuauako Jesure cuasakoji repao majapãire va'jeva'nare paani kuirako paao, Jesure cuasakuanupũ pa'inani rũarepa kuirache chiimaneakũ. Jã'aja'ñe cho'oto repanare Jesure cuasakuanupũ pa'inare va'jeva'nare kuirare'oja'mũ, kuiranare peonare.

¹⁷ Jesure cuasana aina chekũnare masi chũ'ujũ kuirana repana chũ'unare rũa re'oja'che pojocojñojũ paarũ. Repanapi Dios chũ'o

si'arumũ che'chojũ chũ'vana pani na'a re'oja'che cho'okaicojñoa'jũ. ¹⁸ Dios chũ'o aperumũ tocha jo'kasi'e ũcuare ija'che kũamũ:

Vacare trigo cha'ca po'tekaikũ'te trigo
ãĩsemanejũ'ũ; ãiũ cho'oa'kũ,

chiimũ. Chekũcheja ija'che kũamũ:

Cho'oche cho'okaikũ'te repaũ cho'oche cho'osi'e
ro'i ro'ijũ'ũ,

chiimũ.

¹⁹ Pãipi Jesure cuasana chũ'ũnani, "Cu'ache cho'osinaa'me ina", chiito jachajũ'ũ, chekũnapi repaña cu'ache cho'osi'e ñasi'ere chotena jã'apãani ka'chana ũcuate'e kũama'to.

²⁰ Cu'ache cho'oreparu jo'e cho'omanea'jũ chini pãĩ ũcuankũko asajũ'te i'kajũ'ũ repañare, chekũnapi asa kũkũ repaña cho'osi'ēja'che cho'omanea'jũ chini.

²¹ Ie chũ'o mũ'ũpi asa cho'oa'kũ chini Diona'me Jesucristo Repaũ chẽa paacojñona ángeles asajũ'te chũ'ũ jo'kamũ chũ'ũ mũ'ũre: Chũ'ũ chũ'vache cho'okũ mũ'ũ chiinarechi'a na'a re'oja'che cho'okaiũ pa'ima'ñe pãĩ ũcuankũkore ũcuapara'ũvachi'a oiũ cho'okaiũ pa'ijũ'ũ.

²² Chũ'ũnare jo'kara chini repaña pa'iche mũ'ũ rũa jeerumũ ñasinani jo'kajũ'ũ. Repaña pa'iche mũ'ũ masi ñamanare chũ'ũñe jo'kamanejũ'ũ, chekũrumũ repañapi cu'ache cho'ojũna ña pãipi mũ'ũni cu'ache cutujũ. Jmamákarũjẽ'e cu'ache cho'oma'ñe pa'ia re'oja'che pa'ijũ'ũ mũ'ũ.

²³ Timoteo, mũ'ũni chũ'vamũ chũ'ũ ie: Mũ'ũ te'eñoã cutaro jũni okorepachi'a ũkukũ pa'ima'ñe ũche conopĩ jmara'karũ ja'me ũkukũ pa'ijũ'ũ.

24 Jo'e chũ'unare jo'kache'te i'kamũ chũ'u. Rũa jeerũmũ ñasinarechi'a jo'kato rũa re'omũ, chiimũ chũ'u. Irũmũ pãi te'ena cu'ache cho'oche ñomũ, pãi ũcuanũko cho'osi'e ro'iche Dios chũ'ũmucuse chuta'a tĩ'amarũmũna. Jã'ata'ni chekũna ñoma'ñe cu'ache cho'oche pãi ũcuanũko cho'osi'e ro'iche Dios chũ'ũmucuse Ũcuauji kũaũna masijanaa'me pãi. 25 Ũcuaja'che pãi re'oja'che cho'oche te'eñoã pãi ũcuanũkore masi ñomũ. Jã'ata'ni te'eñoã ñoma'ñe re'oja'che cho'oche pãi ũcuanũko cho'osi'e ro'iche Dios chũ'ũmucusena masicojñoja'mũ.

6

1 Chekũnare chẽa paacojñonapi Jesure cuasana repanare paanare ña, vajuçhũju jachama'ñe paarũ, pãipi repana pa'iche'te ña mai che'chochũ'ore asa, "Cu'amũ jã'a", chiiju Dioni cu'ache cutumanea'ju chini. 2 Chẽa paacojñonapi Diore cuasana te'ena repanare paanapi ũcuaja'che Jesure cuasana pa'ito repana majarpãijanajejũna na'a jmamakarũ ña, vajuçhũju pa'ima'ñe cho'oche na'a re'oja'che cho'okaiju paarũ, cho'okaicojñonapi repana cuasana majarpãijanajejũna. Ie che'chokũ chũ'ũkũ pa'ijũ'u repacheja pa'inare:

Re'oja'che pa'iche'te kũamũ

3 Pãiu ũcuauakũji Maire Paakũ che'chosi'e ũcuarepare jachakũ, Diore masi cuasaju pa'iche'te kũachũ'o che'choma'ñe jorechũ'ore che'choni cu'ache cho'omũ. 4 Repauji meñe,

“Rua masiũ'mũ chũ'ũ”, chiiũ cuasakũ Dios chũ'o ũcuarepare asacuhekũ rua vesũũ'mũ repaũ. Pãĩ sãĩñechi'a cutujũ ke'rechũ'ochi'a ũcuarepama'ñere asakũ cutumũ repaũ. Jã'aja'ñe cutuna pãĩ chekũnare ña pojoma'ñe cavajũ cu'ache i'kajũ sãĩñechi'a jorenaa'me. ⁵ Cuhama'ñe cavajũ cu'ache cuasanajejũ chũ'o ũcuarepa cuasamanaa'me repana. Kurire kooñũ chini Dios chũ'oja'che i'kajũ repana cuasachechi'a chũ'vanaa'me repana. ⁶ Jã'ata'ni pãĩ Dioni masi cuasajũ repana paanũkorũchi'a paajũ pojojũ na'a rua paaneemana kurina karama'ñe paacheja'che repana rekoñoã re'oja'chere paame. ⁷ Mai pãĩ ũcuanũko icheja cheja rairũmũ cu'amajñarũãjẽ'e peona raisinaa'me. Ūcuachi'a mai jũnisorũmũ sacũ'akũna peova'na saijanaa'me mai. ⁸ Jã'ajekũna maini ãĩñena'me kãña karama'to, ũcua jã'ajamakarũ paajũ pojojũ na'a rua paaneemaneñũ mai. ⁹ Pãĩ kurina pañũ chiina pa'ivesũjũ cu'ache cuasajũ vati chũ'ũñe'te asa chẽa repanare ũache'te cho'ojũ ũcuanapi meñe cu'ache cho'ojũ cacũ'a cho'osojũ pa'ime. ¹⁰ Kurineena si'ache rua cu'ache cho'ome kurire kooñũ chini. Pãĩ te'ena kurire ruarepa chiijũ Jesure cuasache jo'kaso re'oja'che pa'iche'te cavesũso cu'ache pa'ijũ rua chũova'na pa'ime.

Re'oja'che pa'imasiche'te kũamũ

¹¹ Mũ'ũta'ni Dios neekũjekũ jã'aja'ñe cho'ocuhekũ cho'oma'ñe Repaũni masi cuasakũ pojokũ pe'kerũ pa'iu Repaũ chiiche'te cho'okũ chekũnani oiũ re'oja'che cho'okaiũ, cu'ache

ti'jñetojê'e ũhasoma'ñe ũcua re'oja'che pa'ijũ'u. ¹² Mũ'ure peore cho'ore'ochetu'ka Dioni masi cuasaku re'oja'che pa'ijũ'u, Repau pa'ichejare ai sani pasa chini. Jã'are chini Dios mũ'ure chêa paamu. Mũ'u Repau'te cuasaku jovosirumu pãi jainuko asaju'te mũ'u Repau'te cuasaku jovosi'e re'oja'che kua jñausi'kuamũ. ¹³ Icheja chejana'me cunaumu pa'inare ũcuanukore pa'iche isiku Dios asaku'te, ũcuachi'a Poncio Pilato'te chu'o re'oja'che i'kasi'ku Jesucristo asaku'te chũ'umu chu'u mũ'ure ie chu'o; ¹⁴ Dios mũ'ure jo'kasi'e jachama'ñe jmamakaruje'e cu'ache cho'oma'ñe pa'iu Maire Paaku Jesucristo jo'e rairumujatu'ka rua re'oja'che cho'oku pa'ijũ'u. ¹⁵ Repau'te raouarumuna Dios Jesucristo'te jo'e raoja'mũ. Repau Dios Te'euji Re'oku Masiujeku ainarejê'e na'a rua Masiu'mũ. Pãi chũ'unare ũsekuna repanare uache'te cu'ache cho'ojũ Repau ũsemamajñaruãchi'a cho'ome. ¹⁶ Repauch'i'aa'mũ te'eu Si'arumu Pa'iku. Ũcuauji ruarepa miaku ñacu'akuna pãi te'eujê'e ñamanaa'me Repau'te. Ũcuanuko cuhama'ñe si'arumu Repauni pojojũ pa'ijũ'u. "Peore Masiu'mũ mũ'u", chiijũ pañu mai Repau'te. Jã'aja'ñe paau.

¹⁷ Pãi cheja pa'irumu kurinajeju põse rua paanare, "Chekunare cuhema'ñe, kuri ai pa'ima'ñechi'a cuasaju, 'Kurire paaku chu'u chiiche peore paaku'mũ chu'u', chiima'ñe pa'ijũ'u", chiijũ chũ'ujũ'u, Dios repanare cho'okaijachere pojojũ na'a rua cuasaju paaru. Repau Dios maipi re'oja'che paaru chini mai

chiiche peore karama'ñe ñisiku'mu maire.
 18 “Re'oja'chere si'arumu karama'ñe cho'ojũ pa'ijũ'u”, chiiu chũ'ujũ'u repanare, chekunani oijũ repaña paache'te ñisijũ paapũ. 19 Jã'aja'ñe cho'ojũ pañi Dios pa'ichejana ai sanĩ repaña cho'ojũ chi'isi'e re'oja'che karama'ñe paajũ pojojũ re'oja'che pa'ijanaa'me repaña.

Timoteo'te cuhacho chũ'usi'ea'me

20 Timoteo, Dios mu'ure jo'kasi'e re'oja'che cuhama'ñe che'choku pa'ijũ'u. Diore cuasamana peoche i'kachũ'o, “Ruã masina cuasache'me ie”, chiiche jorechũ'o asama'ñe pa'ijũ'u. 21 Pãĩ te'ena Dios chũ'o asasina repaña joreña chũ'vache'te asa chẽa Diore masi cuasache kuachũ'o asacuheme chura.

Re'omũ. Diopi re'oja'che cho'okaiũ paau musanukonare.

Pablo

Dios Chu'o Kuaphuro
Koreguaje: Dios Chu'o Kuaphuro New Testament
copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022
87a345ac-83c6-51ad-8750-17a703f38bcc